

Slam n Lmasih fell-awen a lehbab,nesserem d akken bxir i tellam, nuyl-d yer yur-wen di tedwilt tameynut, Tadwilt n Wawal n Tudert, anda neqqar nelemmed Awal n Sidi Rebbi, dima di Læhd Aqdim di Tektabt n lašel n ddunit newwi-d ameslay yef akka di tedwilt iædden, anda i d-newwed yer wehbib n Sidi Rebbi Ibrahim .

Ass-a ad nkemmel dayen nni tikli-nney, nekkni aked wehbib n Sidi Rebbi Ibrahim. D sseh Sidi Rebi issers-it di ddunit akken ad yili i yemdanen d lsas if yebna liman ney teflast išeḥḥan di Sidi Rebbi. Tura ad nkemmel anda neḡḡa di tedwilt iædden anda akken i d-newwed, mi akken, Sidi Rebbi yefka læhed i Ibrahim ad a s-yefk dderya, xes akken meqquer di leemer, tamettut-is dayen.

Yura wakka: Sidi Rebbi, ass-nni deg id mi akken tettfeḡḡiḡ tziri, yessewel-ed i Ibrahim yenna-as: Effey-d yer berṛa, ssiked yer igenni, ma tzemred a d tḥesbed itran. Ihi atan anect-en ara k-d-fkey n dderya. Ibrahim yettkel ad yedru wayen akk as-d-yenna Sidi Rebbi yef akka iḥseb-as ayagi d lḥeq, yeeni, Sidi Rebbi, iḥseb-as ayagi i Ibrahim d lḥeq, yef akka i d-neqquer belli Ibrahim , d aḥeqqi i yella zdet n Sidi Rebbi.

Swakka i d-yeṣbeh Ibrahim am akka i d-nenna, d aḥeqqi zdet n Rebbi, ad d-nesmekti s kra n imeslayen, i d-nesla di nnuba iæddan yakan, akken ad nkemmel s yenna s shela. Ibrahim imi ihedder netta aked Sidi Rebbi, am akken ihedder d wehbib-is ney d wemdakel-is, yebya ad izer ma yella tamettut-is Ṣara yellan d tieiqert n 70 iseggasen, tezmer ad tesu dderya. Yef wakka yenna i Sidi Rebbi : A Sidi Rebbi! Byiy ad zrey amek ara seuṛ anect agi yakk n dderya? Sidi Rebbi mačči d leḡweb nni i yettraḡu Ibrahim i d as-d-yerra, yeeni mi t-yesteqsa yef tmettut-is Ṣara, lameena yef Ṣara ad nwali d akken leḡweb yef Ṣara ad d-yehder fell-as tikkelt nniḍen. Meena yerra-as-d lḡaweb yef leqher d leeteb, i d-iteddun ad yedru d waṭas n dderya i d as-yewæed Sidi Rebbi.

Ayagi merṛa d ayen i s-irman leeteb, i Ibrahim yura wakka: Akken yeyli yitij, Ibrahim yers-ed fell-as yiwen n lweḥc aked neddam iyemqen. D sseh, di ddunit akka dayem i t-derru, mi ara yefk Sidi Rebbi læehed s lxir i yemdanen-is, dayem yella ccitan ædew n tudert, ad d-yas ad yesluy taewint. Ad yewwet akken læhd nni n Sidi Rebbi ad yebtel, meena, ur yettizmir ara, ad neḥsu kan d akken ccitan agi yellan d ædew n terwiḥin, d ædew n wemden, d win yebyan ad yessefcel amdan ur yezmir ara zdet n tezmert n Sidi Rebbi ,yef akka i yelaq ad nesses akk liman-nney di Sidi Rebbi. Ybrahim ul-is dayem yettkel yef Sidi Rebbi, d amsellek-ines, meena iyaḍ-it leeteb ara d-yeylin yef dderya i d as-yewæed Sidi Rebbi.

D ayen ara nzer tura anda yura wakka: Akken yeyli yitij, yiwen n nedam iyemqen yers-ed yef Ibrahim , mi akken i t-yettef lxuf d tllam, s yin akin, Sidi Rebbi iheder-as-d yenna-as-d: Zer akka, dderya-k ad ilin d iberraniyen di tmurt ur nelli ara d ayla-nsen, ad uyalen d aklen, a ten-qehren lmudda n rbee meyya n iseggasen, meena ad ḥasbey lgens nni i ten-yerran d aklen, s yen akin ad d-fyen s yiwen n cci d ameqran ara d-awin yid-sen. Ma d kečč ad truḥed di telwit, ad ternuḍ yer lejdud-ik a tt-twamedled, mi ara tesæddid temyer-inek di ssead aked lxir. S imeslayen agi i d-yenteq Sidi Rebbi i Ibrahim, ayagi nesla-t-id d ayen yuran di lašel n ddunit i wid yebyan ad teyræn, deg yixef wiss 15.

Nwala ihi, ačhal ur yeshil ara leetab-agi yesla Ibrahim, s yur Sidi Rabbi win ara d-yeylin yef tarwa-ines, d ayen akk i d-yezwaren yer wul-is mi akken i d-yeyli fell-as lxuf n tllam, d lwehc meqren. Am akken nezra Sidi Rabbi, yettwali d acu ara yedrun yer zdet, qbel ad d-yedru yakan, imi d Sidi Rabbi i d lealem n kulci.

Qbel ma d yesu Ibrahim dderya, is-yeweed Sidi Rabbi, wagi d ayen ara nzer di lweqt-is, d agdud n Iebraaniyen. Sidi Rabbi iwala-ten d acu ara xedmen, qbel ma d-lalen, iwala-ten belli, d agdud ara yettun Sidi Rabbi, win yellan d Rabbi n lejdud-nsen, ad kecmen di lhawa n ddunit aked d tnefsit. Ayagi merza d yiwet n ttebcira i nekkni d ayen ass-agi. D agi ara nissin Rabbi s tehqiq, ad nefhem Sidi Rabbi yessen-ay qbel ma d-nlal qbel mi ara d-nekcem yer ddunit, yezra d acu ara nexdem ama yelha ama dirit.

Agdud agi n Iebraaniyen ara d-yefyen si Ibrahim, Sidi Rabbi yezra amek ara megren leiqab-nsen, a ten-rren d aklen lmudda n rbee miyya iseggasen, ayagi di ddula n ugellid fereun. Nehsa d akken agdud agi n iebraaniyen, uyalen d aklen ddaw uzeglu n fereun. Wagi a lehbab d ayen yuran di Tektabt n Tufya, dima di Laehd Aqdim di Tektabt n Lašel n ddunit, ixef wiss 15.

Agdud agi mi ttwaqehren armi d idammen yeeni armi sneylen idammen-nsen, ntarren atas, mačči yer Sidi Rabbi i refden allen-nsen, mi ttrun, meena, ruhen ttrun-as i fereun, win-a i ten-iqehren i ten-yerran d aklen, dya yerna-asen di leeteb. Meena imi Sidi Rabbi d Aheqqi, mi ten-iwala ttrun ttnazaen, yađent, dya Sidi Rabbi, ihun-ed fell-asen, d rrehma n Sidi Rabbi kan i s ara ttwaselken, amer d ddunit kan ur d tafen ara mađi leslak.

Tagi a lehbab d ttebcira i nekkni d ayen ass-agi, imi d rrehma n Sidi Rabbi kan i yezemren ay-t-sellek, mi akken i d ay-d-yefka Lmasih yekkes-ay-d si ttleem n ddin yeskecem-ay-d yer tafat-is, imi abrid n Lmasih d tafat, abrid n Lmasih d tidett, abrid n Lmasih d win yettawin yer tudert yellan aked Sidi Rabbi deg igenwan aelayen. S wakka am akken i t-id-nesla, Sidi Rabbi yenna dayen i Ibrahim: Ad hasbey, lgens i ten-yerran d aklen, ma kken ara d-fyen a d-awin cci yid-sen d ameqran. Ma d kečč a d truħeđ di telwit a d ternuđ yer lejdud-ik. Qbel a d tettwamedled a d tesæddid ussan di sseed aked lxir, di temyer-inek. Ibrahim ad yesæddi ad yissin ussan n lferħ n lxir di temyer-ines, ad yesæddi temyer-ines, di lehhu, ad as-lhun wussan, akka i d a t-yeweed Sidi Rabbi.

D agi yuklel ad nesteqsi, ad d-nini, acuyer Sidi Rabbi yetthareb yef Ibrahim si temzi-ines, alamma d temyer-ines ? Ad d-naf d akken Sidi Rabbi, yebya ad d-yini i nekkni, ma nesæa liman d lettkel yef Sidi Rabbi, akka am uħbib-is Ibrahim, ar ay-teđru, akken dayen ara yetthareb fell-ay ula d nekkni. Am akken i d-neqquer dayem, Sidi Rabbi ur yeqsid ara, ad d-yehku yef Ibrahim, akken kan a t-nissin! Meena akken ad nissin Sidi Rabbi, amek yetthareb yef wid i tteklen fell-as. Mačči d Ibrahim i yebya ad nissin, Sidi Rabbi, lameena, d netta s timmed-is, i yebya a t-nissin, yef aya, i d-llent Tira Iqedsen, d wid akk yeddand d Sidi Rabbi, s lħeq, Sidi Rabbi, yebya ad nissin amek tegga tikli-nsen, d wayen yexdem ula d netta.

Ma d wid i tteklen yef yiman-nsen a lehbab, tewwi-ten lhawa n ddunit aked tnefsit. Mi ara d-nini tanefsit, dima neqquer-ed wagi d lebyi n bnadem, yettawin yer tter, yer wayen ur nelhi. Ma yella d lebyi n Sidi Rabbi, d win yettawin yer wayen yelhan, yttawin yer tudert. Bnadem

akka i yella d win yettextir̄in dima ayen ur nelhi, imi ur yezri ara ayen i d as-yelhan, yezmer l̄hal ad d-yeyli deg iberdan ara t-yawin anda, ur d-yettuyal! Am akka i d-nesla yef dderya i s-iwæed Sidi R̄ebbi i Ibr̄ahim, Sidi R̄ebbi yezra di tezwara, belli atan ad tebēen abrid ur nelhi ara, ad tebēen kan lhewa n ddunit agi, aked tnefsit. Agdud agi i yewæed Sidi R̄ebbi i Ibr̄ahim , nwala-ten d akken uyalen d aklen di tmurt n Maşer, ad nzer d acu i ten-yewwin, yer tmurt agi mi ara ad naweḍ yur-es s leqraya. Ihi ylin-d dinna seddaw n uzeḡlu n Fer̄eun yellan d agellid n Maşer, di lweqt nni, am akken i d-nesla, qqimen azal n rbeḥ meyya iseggasen, nutni di tkelwa.

Sidi R̄ebbi leh̄sab-is dayem yedda s l̄heq a leh̄bab, mkul yiwen as-yewzen s lmizan-is, am akken yenna di Tektabt n Linḡil: Akken i t-ttektelim ara wen-yettwektil ula d kunwi. Yura wakka dayen anda Sidi R̄ebbi yenna i Ibr̄ahim: Dderya-k, ad qqimen dinna alamma d l̄ḡil wiss reb̄ea, d wakken ara d-uyalen. Yeḇni, ur d-uyalen ara yer tmurt n Ken̄an, i yewæed Sidi R̄ebbi i Ibr̄ahim iwakken ad as-yefk i netta aked ddera-s. Yerna mi ara d-fyen s yenna mačči s ifassen-n̄sen d ilmawen, meḇna, ad d-awin cci yid-sen d ameqran. Lewæud n Sidi R̄ebbi a leh̄bab, zgan lhan, zgan tt-şebbiren amdan, ssefraḥen amdan. Wagi d ayen ara nzer dayen mi ara d-naweḍ yer yur-es, imi anect agi mer̄ra, Sidi R̄ebbi ixeber̄-ed fell-as Ibr̄ahim qbel ad d-idru.

Sidi R̄ebbi ulac yur-es idelli, ass-a, ney azekka. Netta yettwali-ten deg yiwet n tellit ney deg yiwen n lweqt. Sidi R̄ebbi yerna ixeber̄-ed Ibr̄ahim, mi ara d-ffey dderya-s, di tmurt anda llen d aklen ad kecmen yer tmurt n Ken̄an. Tamrut agi n Ken̄an i d as-yewæed Sidi R̄ebbi, a sen-tt-yefk d tamurt n lxiṙ ig ittazzal uyefki d tamment, i yanna Sidi R̄ebbi deg Awal-is. D tebciṙa i yebya Sidi R̄ebbi, ay-d-yefk ula i nekni, imi lweqt mi d-nefey, si l̄hekma n ddub, aked tnefsit iy-icudden am aklen, Sidi R̄ebbi iweæed-ay tamurt igenwan di r̄reḥma-s ur nettfekka.

Ma yella d agi di lqaea idemen-ay talwit ur nettfek ara seddaw n leḇnaya-s tin iy-d-yefka Lmasiḥ, talwit yettek Lmasiḥ yer wulawen. Wid akk i t-itebēen a leh̄bab-nney, ttafen talwit n wul, ttafen lfer̄ḥ n wul, ayagi d ayen ur nezmir ad nef di ṭhanutt, ney d ayen ur nezmir ad nef di yal ddin, akken yebyu yili ddin, ddin d amden i t-yebnen.

Akka Lmasiḥ d win yeddren, Lmasiḥ d win yettaken lehna yer wul, d Lmasiḥ kan i d-yennan ur ttaggad̄et ara, imi ad iliy yid-wen alamma d tagara n ddunit. Tamurt agi n Ken̄an a leh̄bab, ig yettazzel uyefki, d tamment, izdey-itt l̄ḡens n l̄emmuriyen, akka i d a sen-semman, wigi d l̄ḡens ur neebid ara Sidi R̄ebbi, i ten-yessersen di tmurt n lxiṙ am tinna, Sidi R̄ebbi yenna: Ass mi yekkes tamurt nni ad t-yefk i ddrya n Ibr̄ahim, imi s yin ara d-yeffey wegduḍ n Sidi R̄ebbi, d ayen akk ara nzer s ttfasiḥ d ayen a leh̄beb di lweqt-ines. Sidi R̄ebbi ixeber̄-ed Ibr̄ahim , yef l̄ḡens agi l̄emmuriyen, a cuyer i ten-yeḡḡa di tmurt nni n lxiṙ? Yenna-as: Axateṙ ddub-n̄sen, mazal ur yewwiḍ ara yer l̄hed-is. Nwala amek Sidi R̄ebbi işebber yettak-d amrer yezzifen i wemcum ad ibeddel tikli, meḇna şşber-is yes̄ea tilisa.

A d-nuyal kan yer Ibr̄ahim anda yura wakka fell-as d ayen: Sidi R̄ebbi, yumer̄-it akken ad yezlu tlata n waxfiwen n lmel, d yiwen n t̄tir, a ten-yegzem di tneşfa, ad yessers lenfaş nni s ya wa s ya, ad yeḡ litteḡ ger-asen, azal ideḡ ara yeæeddi wemdan di tlemmast. Ayagi mebla ccek, yesen-it Ibr̄ahim, izra d acut! Xedmen akka zik mi ara meahaden sin yef yiwet n l̄haḡa,

akken ur yettili ara deg-sen win ara yerzan læhd-nni, ad æddin yef uḍar ger lenfaṣ-nni n lmal-nni yemmezlen. Ayagi fkiy-d fell-as s ttfāṣil di nnuba iæddan a leḥbab.

Tura ad d kemley deg anda yura wakka: Mi akken yeyli yitij, yeyli-d ttleṣ iyeṣqen dya, armi yekker dextan, efyen-d imeccalen n tmes ædden di tlemmast n lmel nni, yefreq Ibrahim . Deg meccalen n tmes, i d-yersen seg igenni, i d-ibeggen Sidi Rēbbi i Ibrahim akken ad yeṣu ttbut, ayen akk yesla d lemæahdat i s-yettunefken, syur Sidi Rēbbi s yiman-is akk i d-kkent, mačči d tirma ney d timucuha.

Dya ikemmel yura wakka: Ass-nni Sidi Rēbbi, yerna yexdem læahed netta akk-d Ibrahim , yenna-as: Ad fkey tamurt agi i dderya n dderya-k, bdutt-id deg wasif n maṣer alamma d asif ameqrān, asif n Fraṭa. D sseḥ a leḥbab Sidi Rēbbi, lemer ixulef læahed-ines, ma yefkat. Timura merṛa n ddunit d aylas, yezmer ad yefk tamurt i win yebya, ad yekkes tamurt i win yebya.

D agi deg ixef wiss 16 dima di laṣel n ddunit, ad nef d ayen yura wakka: Šara tameṭṭut n Ibrahim , ur tesēi ara dderya, tesēa taqeddact d tameṣrit isem-is Haḡer. Šara tenna i wergaz-is: Aqli-k tettwalid, Sidi Rēbbi ur yi-d-yefki ara ad seuy dderya, zemrey ahet ad seuy aqcic s tqeddact-iw, d acu ara tiniḍ? Ibrahim yeqbel rray i d as-tefka tmeṭṭut-is Šara. Šara tefka Haḡer i Ibrahim , kra n lweqt Haḡer tuyal s tadist, tettraḡu llufan. Haḡer, akken twala iman-is ad tesēu llufan, tettuxxu yef Šara teḡer lalla-s. Šara tecetka i Ibrahim , yef lmizirya i d as-t-xeddem Haḡer seg imi i t-uyal s tadist, tenna i Ibrahim : Zriy d nekk i d ak-yefkan Haḡer, meena d Sidi Rēbi, ara tt-yefrun fell-ak akk-d fell-i. Ibrahim iḡaweb-itt: D taqeddact-im i tella, seddaw ufus-im, xdem deg-s akken tebyid. Dya Šara teḡer taqeddact-is Haḡer, armi truh terwel yer ṣṣehra di lxali. Dinna lmelk n Sidi Rēbbi, iwallatt-id yer tama n leinṣer deg webrid yettawin yer cur, yenna-as: Sani i t-tedduḍ, a Haḡer taqeddact n Šara? Tenna-as: Rewley-d yef Šara uyur qedcey, lmelk yenna-as: Uyal yer lalleṣ, ad tiliḍ di tteṣa-ines. Sidi Rēbbi am-yefk, aṭas n dderya, ur tzemmerḍ ara a ten-t-ḡesbeḍ, tura ad tesēu aqcic ad as-t-semmiḍ Ismaēil, imi Sidi Rēbbi yesla-d iw nazee-inem. Aqcic agi ad yili am uyyul aweḡci, ad yettney d waṭas, am akken dayen aṭas ara yettnayen yid-es.

Haḡer tesēa-d aqcic i Ibrahim isemma-as Ismaēil, Ibrahim yesēa di lemer-is, lweqt nni 90 iseggasen, yeḍra-d wayen akk yewæed Sidi Rēbbi yef Ismaēil, d dderya i d-yefyen deg-s. Attnayen ak-d medden, lḡens i d-yefyen di dderya n Ismaēil, ttwasnen s lḡirrat d iweḡciyen am akken i d as-yenna Sidi Rēbbi, yenna-as: Aqcic agi ara d-ilalen, ad yili am uyyul aweḡci, ur yettwaqbel ara syur wiyad. Ayen akka i d-nesla a leḥbab, yeḍra-d i Ibrahim, tameṭṭut-is Šara, taqeddact-id Haḡer dayen, deg-s yiwet n ttebcira tameqrant i d ay-d-ittunefken i nekkni ass-agi.

Ad nzer akk ayagi s ttfāṣil imi idhem-ay-d lweqt, a d-nuyal di nnuba i d iteddun, imi Awal n Tudert, dima tettkemmil, yella wakka deg Awal n Sidi Rēbbi, ad d-nef yura di tebratt n Kurentus tamezwarut ixef 10, taseddert tis 11 ad d-nef yura wakka: Leḡwayeḡ agi yakk yeḍran yid-sen, yeḍra-d iwakken ad ay-yili d lemtel, d leqraya d alemmud i nekkni yellan di lewqat agi ineggura. Akka a leḥbab deg ayagi akk i d-neqqar, ayagi yuran di Tektabt Iqedsen, yeḍra-d iwakken nekkni, anelmed ass-agi, yettunefk-ay-d d alemmud, yettunefk-ay-d d

leqraya, ilaq ad neddu yi-s iwakken, ad nissin amek ara nili ula d nekkni d iheqqiten zdat n Sidi Rebbi.

Akka a leḥbab newweḍ-ed yer tagara n n tedwilt n wass-agi, nesserem d akken tesɛddam lewqat yelhan yid-nney, ḡḡiy-ken di lehna n Lmasih, timlilit di tedwil i d i teddun, bqaw ɛla xir.